



中國大事記



民國四年二月一日

●嶧縣中興煤礦失事……山東嶧縣中興煤礦。本日因舊井積水下陷。突然發火。火勢延及大井口。致馬路煤路井口。全行堵塞。井中工作人六百七十餘名。均不得出。旋經設法施救。至五日始救出二百餘人。其餘盡皆斃命。由公司照章給卹。損失約共二十餘萬元。

同 十一日

28333
●駐和公使在和京簽字於萬國禁煙會議決議辦法……萬國禁煙會。上年六月。在和京開第三次會議。議決四條。其第三條內載。如至一千九百十四年十二月三十一日。各國未能全體批准。已批准之國。如願開始實行。可向和外部聲明。由和外部備一文件。任憑各該國簽字等語。本年一月。駐京和使貝拉斯照會我國外交部。稱此項文件。已在海牙外部備妥存放。並送文件式樣及第三次禁煙會畢會冊籍各一份。當由外交部電令駐和公

使唐在復前赴和外部。於該項文件上簽字聲明。本日駐和公使唐在復偕美使赴和外部簽字。聲明簽字日開始實行公約。

同 十七日

●稅務處呈請將自製工品酌量減免關稅……稅務處為振興工業起見。呈請酌量減免自製工品關稅。擬定將運銷外洋之草帽綢地蓆兩項。減半徵收稅銀。通花邊抽通花細巾抽通花夏布髮織髻網蜜汁菓品五項。無論運銷何處。所有出口及復進口各稅。一律暫行免徵。奉批照准。

同 二十日

●公布知事辦學考成條例……條例見法令門。

同 二十一日

●新華銀行開幕……新華銀行前奉大總統批准開辦。於本日在京舉行正式開幕禮。

同 二十二日

●考試東西洋留學生……留學生考試。於本日舉行第一試。應

28334 考者共二百餘人。分法文理醫農工商礦等八科考試。旋於三月三日舉行第二試。五十六兩日舉行口試。其全案於十九日發表。分爲超甲乙丙各等。共錄取一百五十一名。計法科四十三名。文科十名。理科四名。醫科四名。農科十七名。工科二十三名。商科三十八名。礦科十二名。

●甘肅平涼兵變……甘肅平涼鎮守使署衛兵。本日突起叛變。刺傷副官。分搶軍械庫子彈。開槍亂擊。並劫監獄。搶掠官商銀號。秩序大亂。旋經鎮守使派兵擊散。

同 二十四日

●公布修正觀見條例……條例見法令門。

同 二十五日

●司法部呈請修正民事管轄辦法……司法部以民事訴訟法草案事物管轄章內。因金額或價額涉訟。其數在三百元以下者。列爲初級管轄。而三百以上案件。雖未滿千元。均屬地方管轄。即宜以大理院爲終審。少數錢債。長途跋涉。非所以便民。呈請將民事訴訟金額或價額在千元以下者。改入初級管轄範圍。與其他民事初級管轄案件。由地方廳受理第一審者。即由該廳以三人合議庭爲第二審。由兼理司法衙門受理第一審者。歸高等分庭或道署審員爲第二審。而統以各該省高等本廳爲終審。奉批准如擬修正。

同 二十六日

●教育部開辦小學校教育品製造所……教育部前以小學校教育

用品。不宜專仰外人。曾擬具小學校教育用品製造所計畫書上呈。當奉大總統照准。並親捐銀一萬元。作爲開辦及前三個月經費。餘飭財政部籌撥。現經教育部籌畫就緒。實行開辦。即由教育總長湯化龍自任該所經理。並派學術評定委員會委員陳文哲爲名譽所長。於本日呈請備案。

●日人在山東金嶺鎮敷設輕便鐵道……山東自金嶺鎮達鐵山。計程十二里。日人因謀開鐵山之礦。在該鎮敷設輕便鐵道。現已竣工。並著手開礦取鐵。預備作龍口濰縣鐵道之用。聞該處人士。以日人自由築路。已集議公舉代表。晉省呈訴矣。

●財政部辦事員王長庚被捕……王長庚爲財政部庫藏司辦事員。因將秘密文件。洩漏於外人。於本日夜間被捕。

三月 二日

●司法部呈擬盜匪案件適用法律劃一辦法……司法部以懲治盜匪法及其施行法公布後。各省辦理情形。尙多參差。特擬成盜匪案件適用法律劃一辦法上呈。奉批照准。(辦法見法令門)

同 三日

●政事堂禮制館呈准祀天典禮增置樂器……內務部前呈擬請祀天典禮。應增置鼙鼓鑼鼓應鼓。奉批交政事堂禮制館核覆。茲經該館核議後。呈請即如所請一律添置。又以祀天典禮內。原有建鼓。誤名應鼓。並請更正。奉批照准。

同 四日

●財政部呈請修改民國四年內國公債條例抽籤償本日期……民

國四年內國公債條例。抽籤償本日期。原定每年十月十五日執行。現財政部以此項公債。定本年四月開始發行。原條例所定日期。核與八年清償期限。稍有窒礙。呈請將原條例第四條第二項所開抽籤日期。改爲每年四月十五日執行。以符期限。奉批如擬改正。

同 五日

●特任周自齊署理農商總長周學熙署理財政總長……農商總長張謇。因勘查各試驗場地畝。並督同河海工程學校開學。請假出京。

●前四川民政長張培爵等謀亂處死……張培爵等前曾謀亂。勢敗潛逃。現又結合黨徒。組織志城團及討袁同盟會。在天津設立總部。被天津警廳捕獲解京。經北京軍政執法處訊明屬實。即按照罪狀。分別槍斃監禁。

同 七日

●任命署財政總長周學熙兼鹽務署督辦

●立法院事務局呈請立法院議員選舉擬於調查選舉資格時酌量調查戶口……立法院事務局。以調查戶口。爲立法院議員選舉調查之基礎。擬請於調查選舉資格時。兼行調查戶口。以期核實而裨庶政。奉批交內務部轉行各省巡按使。就地體察情形。併籌辦理。

同 八日

28335 ●湖北沔陽縣匪亂……湖北沔陽縣於本日夜間。有匪徒數百人。

執械劫獄。殺傷守卒十餘人。並放火焚署。劫掠商店。搶去庫款四萬餘串。滿城大亂。至次晨。始呼嘯四散。翌日由軍警馳到鎮壓。並捕獲匪首多人。旋即正法。

同 九日

●公布立法院議員選舉法第一章選舉及被選舉資格施行細則……細則詳法令門。

●公布立法院議員選舉法第四章選舉人及被選舉人名冊施行細則……細則詳法令門。

●公布選舉資格調查會辦事規則……規則詳法令門。

●公布立法院議員選舉費用令……令詳法令門。

同 十日

●布告崇陵工程完竣……崇陵未完工程。係按照優待條件第五款。如制妥修。其實用經費。並照條件由國庫撥用。現將接修各項工程。先後完竣。由督修員一點交清室內務府典守。本日大總統特頒令告。以昭崇報而徵大信。

●內務部呈准裁併山西清源平順馬邑三縣並將安邑縣移駐運城……晉省自改革以來。會將徐溝縣之清源鄉。平定縣之樂平鄉。潞城縣之平順鄉。朔縣之馬邑鄉。分設縣治。並將樂平改名昔陽。現該省冀寧河東雁門三道尹。會詳山西巡按使。以新設之清源等縣。轄縣均非遼闊。政務亦甚簡單。無分建縣治之必要。且距原隸縣治甚近。實多窒礙。請行合併。添設縣佐。並稱運城庶政繁劇。擬以安邑縣知事移駐運城。經山西巡按使覆核後。

28336 以昔陽毗連直隸。地方緊要。應仍列爲縣治。其餘據詳呈請大總統分別裁併移駐。奉批交內務部議覆。經部遵批核議後。呈請准照原呈將清源平順馬邑三縣裁撤。仍歸徐溝潞城朔縣等縣管轄。並准將安邑縣移駐運城。奉批如擬辦理。

同 十一日

●政事堂禮制館呈訂祀孔樂章……政事堂禮制館。以祀孔典禮。早經頒布。上屆舉行丁祭。因新樂待訂。沿用舊章。現在上丁將屆。特擬訂祀孔樂章呈核。奉批如擬辦理。

●四川鎮城失守旋即克復……陳步三前在鄉城叛變。本日又勾結藏匪乘虛襲取鎮城。防軍不敵。退守鎮定橋。十三日經川邊鎮守使張毅督飭司令劉成勳進剿。將鎮城克復。並收復鄉城海口兩縣。陳步三仍未就獲。

同 十二日

●公布國民會議組織法……約法會議議決案。組織法見法令門。
●裁撤各省礦務監督……各省礦務監督。爲最近設置之特設機關。前財政總長周自齊。曾以預算不敷。面呈大總統請裁冗員。當經大總統交令各部分別議裁。本日特令。將各省礦務監督先行裁撤。歸併各省財政廳。各就礦地省份。將一切文卷款項。分別接收。仍由農商部督飭礦政司監督辦理。其礦務監督官制。並即廢止。

●湖北乾城礦工滋事……湖北乾城縣有大王岩煤礦。係興漢公司集資開採。有礦工二百餘人。因公司加長工作時間。要求增

加工資。聚衆罷工。其爲首工人。被公司拘送警署。致激衆怒。羣將公司焚燬。傷礦警多人。旋由縣知事派警備隊彈壓。始歸鎮靜。

同 十三日

●張同鐵路全段告成……張家口至大同鐵路。正岔道共長四百零三里。有奇。現已全段告成。經交通部派員勘驗後。呈請將在事人員分別給獎。

●駐京德使署隨員在蒙圖毀俄國鐵道……駐京德使署隨員巴本希姆。前在政府領得護照。赴蒙游獵。現忽攜帶炸藥。圖毀俄國西伯利亞鐵道。事爲俄國所聞。當由駐京俄使質問我外交部。外交部除答覆外。轉向駐京德使提出質問。

同 十四日

●裁撤雜稅整理處……財政部以雜稅整理處。自成立以來。未見成效。該處所辦紙煙酒契牲四項。不過劃分賦稅司部分之一端。特呈請裁撤。歸併賦稅司辦理。並請將各省財政廳附設坐辦。亦一律裁併。以一事權而節經費。奉批照准。

●司法部呈請增訂易筭條例……司法部以易筭條例中。未列侵佔罪之條。近查此項罪犯。日益加多。其情節大抵與竊盜罪相去無幾。呈請於該條例第一條第一項第四款後。增入侵佔罪一款爲第五款。原第五第六款遞推爲第六第七款。惟此項罪犯。適用易筭條例。仍以犯罪性質。確係廉恥道喪者爲限。以示範圍。奉批如擬辦理。

●日本派兵來華外交部向駐京日使提出質問……中日交涉。雙方正在會議。日本忽增派軍隊三萬人來華。外交部當向駐京日本公使提出質問書。並電駐日公使。向日政府嚴重抗議。旋經駐京日使答覆。稱係來華瓜代。並允第二批不再派遣。

同 十五日

●公布辦理國民會議事務局官制……官制見法令門。

●黨人歸國自首……黨人張堯卿劉藝舟等。前在駐日公使館違令自首。本日由駐日公使館委員帶領進京。覲見總統。

同 十六日

●庫匪進擾開魯……庫倫偽政府。分遣偽將軍都統等。大隊進擾內蒙。據開魯縣屬阿魯科爾沁東西扎魯特資旗。附近各縣。紛紛告急。

同 十七日

●舉行祀孔典禮……本日為夏時仲春上丁祀孔子之期。大總統特照祀孔典禮。派國務卿徐世昌。赴京師孔子廟恭代行禮。

●中日訂接電報水線合同……上海至日本電報水線。前由外交交通兩部。派員赴日本訂立合同。業經大總統批准簽字。其內容如下。(一)長崎至上海吳淞口。定名曰長海水線。(二)水線路經長基(即臺灣基隆海口)線內接線。(三)自本經線三十四度至四十度止。為接線處。(四)用費中國出三分之二。日本出三分之一。(五)所用之電線燈標識等費。應由兩國分派。(六)線內不得行駛魚雷。以免損失電線。(七)本合同自交換日起。履

行三十年。滿期再議辦法。(八)本合同由兩國政府核准立案。各執一紙。遵守施行。

●北軍第二師舉行春操……北洋第二師。留鄂業已兩年。鎮攝頗為盡力。本日由該師長頒令舉行春操。

同 十八日

●公布陸軍刑事條例……條例見法令門。

●約法會議閉會……約法會議自成立以來。關於增修約法及附屬於約法之重要法案。均經議決。遂於本日行閉會禮。

●通飭制限徵收附加稅……政府以近日各地方。每藉口事故。徵收各稅之附加稅。殊有紊亂稅制之虞。不可不為預防。特擬定制限辦法。分飭各省一體遵照辦理。其大要如下。(一)種類之制限。各項稅捐。雖均可酌量情形。徵收附加稅。惟鹽稅驗契稅及施行之各稅。不在此限。(二)用途之制限。附加稅徵收。以用於償還舊欠及辦理公益事項為限。若為補助普通行政費。不得請徵。(三)徵率之制限。附加稅之徵收率。至多不得逾原稅額十分之一。(四)手續之制限。凡議徵收附加稅者。須將其用途徵率及期限。詳細呈部。非經核准飭覆後。不得開徵。

同 十九日

●前西藏辦事長官鍾穎處死……鍾穎前在西藏辦事長官任內。因要結亂兵釀成藏亂。並仇殺左參贊羅長禱。被長禱之子羅春馭告發。經高等軍事裁判處提集人證。審訊屬實。呈請按照新

刑律第三百一十一條。處以死刑。或無期徒刑。奉令鍾穎着處以

28338 死刑。依法執行。羅長禱死事慘烈。交陸軍部從優議卹。並將生平事蹟宣付史館。

同 二十一日

●舉行陸軍各學校宣誓大典……陸軍部前奉陸海軍大元帥頒發

軍人誓詞八條。并宣誓規則。令陸軍部督飭所屬任職軍官。在堂學生。在伍士兵。各就所駐地方。擇期舉行宣誓大典。陸軍部特定本日起。由北京陸軍各學校遵照舉行。並由大總統派員前往監臨。

外國大事記

民國四年二月 十一日

●美德關於海運之交涉……德政府既宣言封鎖英國海岸。又因英船冒懸中立國旗。特發布告。凡航行英國近海船隻。即屬中立國者。亦有破壞之危險。美國特於本日致通牒於德國。略謂美係中立國。據德之宣告。則美之船隻。在在可危。德果蔑視美之中立權利。致美船被德擊破。是驅美國出於斷然之行動也。德國須負其責任云云。

●東普俄軍退至邊界……在東普魯士馬蘇連湖之俄軍第十軍團。被德軍攻擊。退至俄國邊界。被虜者二萬五千人。

●法境之戰事……德法兩軍在香港地方巨全線戰及空中戰。又在亞爾貢、馬里雅德烈薩附近血戰。德國混成旅團作四聯隊前進。兩軍間最近之距離僅五百碼。未分勝負。法軍損害甚鉅。

●英飛機襲擊比境德軍……本日英國飛行機三十四架。擊襲比國各市街。在哇斯丹破壞最鉅。

同 十二日

●德奧聯軍進逼塞境……德奧聯合軍。本日向塞爾維亞開始進軍。隔多瑙河向古拉的、雪得密綠、納華都斯嫩獨里等處大施砲擊。據森林(地名)高地之奧兵。復向塞爾維亞爾格萊得猛烈砲擊。塞軍與之應戰。德之工兵又在多瑙河架浮橋數處。以便衝入塞境。

●波蘭王舉行加冕禮……奧國推薦哈布斯堡氏所出之史德芬大公為波蘭王。在巴拉克(奧國波希米之首府)行加冕禮。

同 十三日

●耶波勒斯之砲戰……本日德軍對於尼于巴特大沙邱及耶波勒斯施極猛烈之砲擊。

同 十四日